



## **Kattusseqatigiit Partiiat**

Tlf. 299 34 61 11 / 34 62 52 - fax 299 32 62 35  
Postboks 74, 3952 Ilulissat - tlf./ fax 299 94 47 53

**Anthon Frederiksen**

**Ulloq 5 november 2007**

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut ingerlateqqippara:

(Inatsisartunut ilaasortaq Anthon Frederiksen, Kattusseqatigiit partiiat)

### **Naalakkersuisunut apeqqut:**

- 1. Aalisarnermut akuersissut qaleralinniarnermut tunngatillugu illoqarfimmiik illoqarfimmut allamut nuunnermi, qanoq eqaannerusumik iluarsineqarsinnaappat ?**
- 2. Angallatip GR nr-a apeqqutaavaa ?**
- 3. Ilumut pissusissamisoorpa, kujataaninngaanniit avannaanut nuunnermi aalisarnermut akuersissummik pissangaanni, angallat allamut tuneqqaartariaqarpa ?**
- 4. Apeqqut 3 –mut atatillugu, taamatut piumasaqassangaannit suut inatsisit tassani tunngavigneqarpat ?**
- 5. Akuersissummik qinnuteqarnermi piumasaqaatit suuppat ?**

### **Tunngavilersuut:**

Saaffingineqarnerput naapertorlungu apeqqutit qulaani apeqqutingisavut saqqummiuppangut.

Saaffinginnittullu saaffinginnissutaa tunngavilersuutai naalisarlungit ataani ilanngunnerarput.

Saaffiginnittoq Nunatta kujataaniit qaleralinniarnissamut allagartalik, ukiuni kingullermi avannaanut illoqarfiit ilaannut nuussimavoq, taamaattumillu naatsorsuutigisimangaluarlungu aammattaq nuuffigisamini qaleralinniarnissamut allagartamik tunineqassalluni. Sivisungaartumik nuuffigisimi kommunionit aammalu Aalisarnermut piniarnermullu pisortaqarfimmit sullinneqarsimavoq, nammineq nalunaarnera naapertorlungu ingerlatsineranut inatsit tunngavigalugu akuersaarneqarsinnaangilluinnartumik.

Allaammi naggataatigut ima kusanangitsigisumik pisortaqarfimmit oqaluunneqarsimanerapoq angallatini tuneqqullugu ? Ilumut pisortaqarfimmit pissuseq taamak kusanaatsigisinnaava ? allaat inuit pigisaannik tuniniaaqqullugit ? tamanna akuersaarneqarsinnaangilluinnarpoq kamannarpallaaru-jussuarlunilu, allaangilaq malersugaaneq sakkortungaartoq inuttassarsiineq ersaringaartoq.

Qanormi aammalu suna tunngavigalugu angallat tuniniaqusinnaavaat ?. Allaammi naggataatigut inatsisilik atuaqqullunga, ilami akuersaarnassagaluarpoq tunngaviusunik malitassanillu misissuisimannikkuma. Sakkortoorujussuarmik misigissutsikkut eqqorneqaqqavunga, tujormineq, allallu atugaraakka. Inuusuttoq piumassusilik aammalu meeraanerminit aalisarsimasoq nunap immikkoortuanut allamut nuummat oqarluaannaraanni ima pineqarpoq: akerartorlugu, suleqqunagu piginnaataaffiarlugu allaat angallataa tuneqqullugu. Tassa aalisartunik nungusaaneq ersarisoq akuersaarneqarsinnaanngilluinnartoq”.

Ilumut taama pisoqarsinnaavaa ? aamma inatsisit suut tassani tunuliaqutigineqarpat ?